

2.

s'hat g'hassen wir krieg'n jezt  
 Gold mehr wie z'viel  
 Aber g'sehn hab'n ma kanns  
 jezt ist als Mäuserlstill  
 Mir brauchen ka Gold, san  
 schon z'frieden mitsam  
 Wann mir statt die Goldkronen  
 Blechplatteln haben.

## Refrein.

Deñ mir sein Landsleut  
 Weanarische Buam  
 mir sein hamurisch  
 und durchaus keine Surm  
 Anstatt dass Gold thut klingen  
 lasst ma d'Heller springen  
 Deñ mir sein Landsleut  
 Weanarische Buam.

3.

Lauft in unser Hochquell'n  
 auch a' Schwarza hinein  
 kann uns nöt genirn  
 deñ wir trinken an Wein  
 Wirds Rindfleisch auch theurer  
 da lach ma mitsam  
 Deñ mir sein schon z'frieden  
 wann ma Hendln g'nur hab'n.

## Refrein.

Deñ mir sein Landsleut  
 Weanarische Buam  
 mir sein hamurisch  
 und durchaus keine Surm  
 Wann d'Erdäpfel nur grathen  
 verlang ma uns kann Bratten  
 Deñ mir sein Landsleut  
 Weanarische Buam.

4.

A Hochbahn dö krieg'n ma  
 das weiss jedes Kind  
 nur dauert's hübsch lang  
 so was geht nöt so g'schwindt  
 Doch is amal fertig  
 dann fahr'n mir o mein  
 Vom Versatzamt direkt bis  
 ins Steueramt h'nein.

## Refrein.

Deñ mir sein Landsleut  
 Weanarische Buam  
 mir sein hamurisch  
 und durchaus keine Surm  
 Mir zahl'n so lang ma können  
 und than den Stier schon g'wöhnen  
 Deñ mir sein Landsleut  
 Weanarische Buam.

5.

Mir reden nöt hochdeutsch  
 das weiss Jeder g'wiess  
 dass „Weanarisch“ für uns  
 a'süsse Muttersprache is  
 Die Sprach ist uns heilig  
 das sag'n ma ganz kek  
 Mir bleib'n schon als Weana  
 bei dem Dialekt.

## Refrein.

Deñ mir sein Landsleut  
 Weanarische Buam  
 mir sein hamurisch  
 und durchaus keine Surm  
 Mir reden ohne Faxen  
 wie uns der Schnabel g'wachsen  
 Deñ mir sein Landsleut  
 Weanarische Buam.